

第五四六冊

博物彙編

草木典

雜花草部

蕉部

竹部

(卷)

一八—八四

一八

一六—九四

古今圖書集成

中華書局影印

古今圖書集成

中華書局影印



欽定古今圖書集成博物彙編草木典

第一百八十一卷目錄

雜花草部彙考一

爾雅

尚書緯

春秋緯

禮緯

孝經緯

山海經

鵬冠子

大戴禮記

尚書大傳

春秋繁露

十洲記

淮南子

白虎通

典術

西京雜記

抱朴子

稽含南方草木狀

張華博物志

干寶搜神記

王子年拾遺記

崔豹古今注

宋書

任昉述異記

香草



孫氏瑞應圖

賈思勰齊民要術

段公路北戶錄

段成式酉陽雜俎

草

沙花

鳥

都勝花

李石續博物志

尚書故實

清異錄

感應經

道篇

海錄碎事

洛陽花木記

范成大桂海虞衡志

那花

王方慶園林草木疏

西溪叢語

草木典第一百八十一卷

雜花草部彙考一

爾雅

釋草

茺

未詳

瓊

龍

未詳

注

灌

注

經履

注

前

注

莢

注

莢

注

莢

注

莢

注

莢

注

莢

注

莢

注

莢

注

莢

注

莢

蛇山其草多嘉榮

葛山其草多嘉榮

繁纈之山其草多枝勾

兔狀之山其草多雞穀其本如雞卵其味酸甘食者利於人

利於人

峴山其草多雞穀

香山其上多嘉榮草

真陵之山其草多榮草

海外東經

君子國有薰華草朝生夕死

鵲冠子

朱草

聖人至德上及太清下及太寧中及萬靈則朱草生

大戴禮記

明堂

朱草日生一葉至十五日生十五葉十六日一葉落終而復始也

尚書大傳

朱草

王者德下究地之厚則朱草生

春秋繁露

朱草

君勸農事無奪民時使之歲不過三日行什一之稅進經術之士開闢閭閻通障塞恩及草木則朱草生

十洲記

不死草

祖洲近在東海之中地方五百里去西岸七萬里上

有不死之草草形如菰苗長三四尺人已死三日者以草覆之皆當時活也服之令人長生昔秦始皇大苑中多枉死者橫道有鳥如鳥狀銜此草覆死人面當時起坐而自活也有司聞奏始皇遣使者齋草以問北郭鬼谷先生鬼谷先生云此草是東海祖洲上有不死之草生瓊田中或名爲養神芝其葉似菰苗叢生一株可活一人始皇於是慨然言曰可採得否乃使使者徐福發童男童女五百人率攝樓船等入海尋祖洲遂不返福道士也字君房後亦得道也

淮南子

朱草

太清之世四時不失其序日月揚光五星循軌則朱草生

白虎通

封禪

王者德至地則嘉禾生蓂莢起

德至草木朱草生木連理

德至山陵則阜出薶莆

孝道至則以薶莆者樹名也其葉大於門扇不搖自扇於飲食清涼助供養也

繼嗣平明則賓連生於房戶賓連者木名連累相承故在於房戶象繼嗣也

日曆得其分度則蓂莢生於階間蓂莢樹名也月一日生二莢十五日畢至十六日去莢故蓂階生似日月也

賢不肖位不相踰則平路生於庭平路者樹名也官位得其人則生失其人則死

典術

壽榮草

壽榮草出少室金山丘下服之令人不老取葉服之可通百神

西京雜記

離合草

終南山多離合草葉似江蘿而紅綠相雜莖皆紫色氣如蘿勒

抱朴子

朱草

朱草狀似小桑莖長三四尺枝葉皆赤莖如珊瑚生名山嶺石之下刻之汁流如血以玉及石金銀投其中立可丸爲泥以金投中名曰金漿以玉投之名曰玉釀服之皆長生也

稽含南方草木狀

山薑花

山薑花莖葉即薑也根不堪食於葉間吐花作穗如麥粒軟紅色煎服之治冷氣甚效出九真交趾

鶴草

鶴草蔓生其花鞠塵色淺紫蒂葉如柳而短當夏開花形如飛鶴背翅尾足無所不備出南海云是媚草有蟲老蛻爲蝶赤黃色女子藏之謂之媚蝶能致其夫憐愛

肥馬草

南方冬無積葉瀕海郡邑多馬有草葉類梧桐而厚取以秣馬謂之肥馬草馬頗嗜而食果肥壯矣

斗威儀

君乘木而王其政升平則福草生廟中朱草別名又曰南海翰以蒼鳥

孝經緯

援神契

王者德至於地則華草感蓂莢生

山海經

南山經

招搖之山臨於西海之上有草焉其狀如韭而青花其名曰祝餘食之不饑

註 祝餘或作桂茶

西山經

符禺之山其草多條其狀如葵而赤花黃實如嬰兒舌食之使人不惑

石脆之山其草多條其狀如韭而白花黑實食之已疥

疥

竹山有草焉其名曰黃蘗其狀如樗其葉如麻白華而赤實其狀如赭浴之已疥又可以已附

註 治附腫也

嶠冢之山有草焉其葉如蕙其本如桔梗黑華而不實名曰葍蓉食之使人無子

註 爾雅釋草曰榮而不實謂之葍

卑塗之山有草焉其狀如蘼其葉如葵而赤背名無條可以毒鼠

崑崙之丘有草焉名曰黃蘗其狀如葵其味如葱食之已勞

陰山其草多葍

註 蕃青蕃似莎而大

號山其草多葍

註 蘼香草

北山經

單狐之山其上多華草

高是之山其草多條

東山經

孟子之山其草多菌蒲

註 未詳

中山經

甘泉之山其下有草焉葵本而杏葉黃華而莢實名曰櫛可以已瘡

脫扈之山有草焉其狀如葵葉而赤華莢實實如櫻

英名曰植櫛可以已瘋食之不昧

牛首之山有草焉名曰鬼草其葉如葵而赤莖其秀如禾服之不憂

鼓鑠之山有草焉名曰榮草其葉如柳其本如雞卵食之已風

青要之山有草焉其狀如藎而方莖黃華赤實其本如藎本名曰荀草服之美人色

熊耳之山有草焉其狀如蘇而赤華名曰葍薺可以毒魚

陽華之山其草多苦辛其狀如櫛其實如瓜其味酸甘食之已瘡

休與之山有草焉其狀如葍赤葉而本叢生名曰夙條可以為舜

註 中箭荷

鼓鐘之山有草焉方莖而黃華員葉而三成其名曰焉酸可以為毒

註 三成葉三重也為治

姑姪之山帝女死焉其名曰女尸化為蒼草其葉胥成其華黃其實如菟丘服之媚於人

註 胥成言葉相重也菟丘菟絲也

苦山有草焉員葉而無莖赤華而不實名曰無條服之不癢

大菩之山有草焉其狀葉如榆方莖而蒼傷其名曰牛傷其根蒼文服者不厥可以禦兵

半石之山其上有草焉生而秀其高丈餘赤葉赤華而不實其名曰嘉榮服之者不驚

註 初生先作穗都著葉花生穗間不寢不畏雷霆

霹靂也

奉室之山有草焉其狀如木白華黑實澤如蓂莢其名曰葍草服之不昧

註 澤言子滑澤

少陘之山有草焉名曰蘭草葉狀如葵而赤莖白華實如蓂莢食之不愚

註 太山有草焉名曰梨其葉狀如荻而赤華可以已疽

大隗之山有草焉其狀如葍而毛青華而白實其名曰菰服之不夭可以為腹病

註 為治也

崂山其草多空奪

註 即蛇被脫也

高梁之山有草焉狀如葵而赤華莢實白拊可以走馬

孫氏瑞應圖

異草

福草王者有德則福草生

屈軼者太平之代生於庭前有佞人則草指之

延嘉玉者有德則見

王孝道行則延嘉生

紫蓬者王者仁義行則常見

賈思總齊民要術

蒿

廣志云蒿子生可食

東風

廣州記云東風花葉似落娠婦莖紫宜肥肉作羹味如酪香氣似馬蘭

莖

字林云草似冬藍蒸食之酢

莓

莓草實亦可食

莖

莖乾莖也

薪

字林曰草生水中其花可食

投公路北戶錄

無名花

廣州之南數百里有蔓草生吐一葉白花瓣大如掌初夏開徧問土人莫有知者

鴿子草

鴿子草蔓花也當夏開南人云是媚草甚神可比懷

子夢芝采之曝乾以代面靨形如飛鶴狀翅羽黃距無不畢備亦草之奇者蔓延春生雙蟲常食其葉土人收於奩粉間餉之如養蠶諸蟲老不食而蛻為蝶

女子佩之如細鳥皮號為細蝶郭子橫記勒畢獻細鳥以方尺玉籠盛數百形大如蠅狀如鸚鵡聲聞數

百里間如黃鵠也國人以此為候日晷亦曰候日蟲帝得之旬日飛盡明年有細鳥集於帷幃或襲人衣

袖因置禪衣宮內嬪御有鳥集其衣者輒蒙愛幸至武帝末稍稍自死人服其皮者多為丈夫所媚余訪

花子事如面光眉翠月黃星靨其來尚矣然事有相類者見拾遺引孫和悅鄧夫人嘗置膝上和月下舞

水晶如意誤傷夫人頰流血染袴和自詆瘡太醫曰

癰腫難玉及琥珀屑當滅痕和乃作膏琥珀太多痕未滅而頰有赤點細視更益其妍諸嬖要寵者以丹

青點頰而後進幸又上官昭容自製花子以掩黠處段成式酉陽雜俎

護門草

護門草常山北草名護門實諸門上夜有人過輒叱之

仙人條

仙人條出衡岳無根蒂生石上狀如同心帶三股色綠亦不常有

蜜草

蜜草北天竺國出蜜草蔓生大葉秋冬不死因受霜露遂成蜜如塞土蓬鹽

老鴉爪籬

老鴉爪籬葉如牛蒡而美子熟時色黑狀如爪籬

鴨舌草

鴨舌草生水中似蓴俗呼為鴨舌草

銅匙草

銅匙草生水中如剪刀

水耐冬

水耐冬此草經冬在水不死成式於城南村墅池中

天芋

天芋生終南山中葉如荷而厚

油點草

油點草葉似蒼蓬每葉上有黑點相對

落迴

落迴有大毒生江淮山谷中莖葉如麻莖中空吹作聲如勃邏迴因名之

毗尸沙花

毗尸沙花一名日中金錢花本出外國梁大同二年

進來中土

左行草

左行草使人無情范陽長貢

青草槐

青草槐龍陽縣神牛山有青草槐叢生高尺餘花若

金燈仲夏發花一本云迄千秋

野狐絲

野狐絲庭有草蔓生色白花微紅大如栗秦人呼為

蔓草

蔓草漢武時異國所獻似蒲葦縮入地夜若抽萌懷

張華博物志

朱草

和氣相感則生朱草

簷草

右簷山帝女化為簷草其葉鬱茂其花黃實如豆服者媚於人

蕒草

海上有草焉名蕒其實食之如大麥七月稔俗名曰自然穀或曰禹餘糧

干寶搜神記

怪草

舌堙山帝之女死化為怪草其葉鬱茂其華黃色其實如菟絲故服怪草者恆媚於人焉

王子年拾遺記

濡好草

方丈山有草名濡好葉色如紺莖色如漆細軟可繫海人織以為席薦卷之不盈一手舒之則列坐方國之賓

莎蘿草

方丈山有莎蘿草細大如髮一莖百尋柔軟香滑羣仙以為龍鶴之輦

芸苗草

瀛洲有草名芸苗狀如菖蒲食葉則醉餌根則醒

芸蓬草

貝嶠山有草名芸蓬色白如雪一枝二丈夜視有白光可以為杖

莽煌草

岱輿山有草名莽煌葉圓如荷去之十步炙人衣則焦刈之為席方冬彌溫以枝相摩則火出矣

蓬香草

岱輿山有蓬香草其花如丹光耀如月葉細長而白如忘憂之草其花葉俱香扇覆數里故名蓬香草其子如薏中實甘香食之累月不饑渴體如草之香久食延齡萬歲仙人常採食之

崔豹古今注

蓮蕒草

天雨草狀如莎紋如丸無數皆名曰蓮蕒草

符瑞志

華平其枝正平王者有德則生德剛則仰德弱則低平露如蓋以察四方之政其國不平則隨方而傾蕒蕒一名歷蕒夾階而生一日生一葉從朔而生望而止十六日日落一葉若月小則一葉萎而不落堯時生階

蕒蕒一名倚扇狀如蓬大枝葉小根根如絲轉而成

風殺蠅堯時生於廚

朱草草之精也世有聖人之德則生

賓連闕蓬生於房室王者御后妃有節則生

紫蓬王者仁義行則見

任昉述異記

眞香茗

巴東有眞香茗其花白色如薔薇煎服令人不眠能誦無忘

微蘅草

魏興錫義山多生微蘅草有風不偃無風獨搖

紅蘭花

紅蘭花一名大草

千步香草

南海山出千步香佩之香聞於千步也今海隅有千步草是其種也葉似杜若而紅碧雜貢籍曰南郡貢千步香

懸腸草

懸腸草一名思子蔓南中呼為離別草

宮人草

楚中有宮人草狀如金盞而甚氣氤花色紅翠俗說楚靈王時宮人數千皆多怨曠有囚死於宮中者葬之後墓上悉生此花

舜草

舜草今之孝草也

蕭貢草

蕭貢一名塞路生北方胡地古詩云千里蕭貢草

寡草

寡草特生而不叢

紅綬花

紅綬花蔓生如綬一般有文采因名焉

相思草

秦趙間有相思草狀如石竹而節節相續一名斷腸草又名愁婦草亦名霜草人呼紫莎

麝香草

紫迷香一名紅蘭香一名金桂香亦名麝香草出蒼梧桂林上郡界今吳中有麝香草似紅蘭而甚芳

視之乃蟬額裂面抽莖上有花善治目未知如何用

也

其草自知夢之好惡帝思李夫人懷之輒夢

烏蓬

烏蓬葉如烏翅俗呼為仙人花

望舒草

望舒草出扶支國草紅色葉如蓮葉月出則舒月沒則卷

紅草

紅草山戎之北有草莖長一丈葉如車輪色如朝虹齊桓時山戎獻其種乃植於庭以表霸者之瑞

迎涼草

迎涼草碧色簕似苦竹葉細如杉雖若乾枯而未嘗凋落盛暑掛之窗戶間則涼風自生

三賴草

三賴草如金色生於高崖老子弩射之魅藥中最切

都勝花

都勝花紫色兩重心數葉卷上如蘆朶葉黃葉細

都提權花

都提權花紫色兩重葉外重葉卷心心中抽莖高寸餘葉端分五瓣如蒂瓣中紫葉莖上黃葉

俱都衛

俱都衛葉如竹三莖一層莖端分條如貞桐花小類木櫛出桂州

瘴川花

瘴川花差類海榴五朵簇生葉狹長重沓承於花底色中第一蜀色不能及出黎州按禮嶺

簇蝶花

簇蝶花花為朶共簇一藥葉如蓮房色如退紅出溫

州

那伽花

那伽花狀如三春無葉花色白心黃六瓣出船上

靈壽花

草絢云湖南有靈壽花數蒂簇開視日如槿紅色春秋皆發非作杖者

李石續博物志

朱草

朱草狀如小桑莖長三四尺枝葉皆丹汁如血朔望生落如蓂莢周而復始可以染絳成黼黻之章金銀投其汁可成圓泥成水為金漿以投之為玉醴飲之令人長生出抱朴子

尚書故實

朱草

朱草瑞草也長三尺枝葉皆赤莖似珊瑚文命咸得俊又在官則朱草生郊

清異錄

蓬萊紫

廬山僧舍有蓬萊花一葉色正紫類丁香號紫風流江南后主詔取數十根植於移風殿賜名蓬萊紫

感應經

蕉毒草

蕉毒草如芋巨狀如雀頭置乾地則潤置濕地則乾炊飯時種於甕上比飯熟即著花結子人食之立死

收麻草

有牧麻草大毒有此草值風吹其氣所至則數里內稻皆即死李淳風云其汁本清得水則稠見日則濕

入膳即乾在夏欲涼在冬欲溫

道篇

元鹿草

元鹿之草生於各山人跡不到處烹而食之壽二千歲

海錄碎事

金步搖

金步搖叢生其花四出皆偶對無風常搖蓋幹弱而枝繁也

洛陽花木記

雜花

散水

玉瓏瓏

錦帶花

文冠花

玉蝴蝶

金總花

莎羅花

驚鷺兒花

刺花

刺紅

日月花

黃寶相

單葉寶相

草花

川剪金

篋春

篋春亦名

千葉散水

真珠花

大錦帶

石藍

八仙花

黃雀兒

倒仙花

千葉秋花

長春花

寶相

馬糞花

減伏

四季長春

盧川寶相

粉團兒

御金花

紅絲花

金鳳花

紅萼荷

陳藏器曰味苦溫有毒主腹內結聚癥瘕大便不利推陳去惡破冷氣未可輕服令人利下至困生終南山冬月不凋苗如大戟根似細辛

含生草

陳藏器曰生棘藋國葉如卷柏而大性平無毒主婦人難產含之嚙汁即生

必似勒

陳藏器曰辛溫無毒主冷氣胃閉不消心腹脹滿生崑崙狀似馬蘭子

牛舌實

別錄曰味鹹溫無毒主輕身益氣生水中澤旁大葉長尺五月采實一名豕首

陳藏器曰今東土人呼田水中大葉如牛耳者爲牛耳菜

李時珍曰今人呼羊蹄爲牛舌菜恐羊蹄是根此是其實否則羊蹄之生水中者也

腐舌

別錄曰味辛微溫無毒主霍亂腹痛吐逆心煩生水中五月采之

陶弘景曰生小小水中今人五月采乾以治霍亂甚良

天壽根

蘇頌曰出合州每歲土貢其性涼治胃膈煩熱土人常用有效

山慈石

有名未用

別錄曰苦平無毒主女子帶下生山之陽正月生葉如藜蘆莖有衣一名爰庇

參果根

別錄曰苦有毒主鼠癭生百餘根根有衣裏莖三月三日采根一名百連一名烏夢一名鼠莖一名鹿蒲

馬腸根

蘇頌曰苦辛寒有毒主蠱除風葉療瘡疥生秦州葉似桑三月采莖五月六月采根

井口邊草

陳藏器曰小兒夜啼私著席下勿令母知孫思邈曰五月五日取井中倒生草燒研水服勿令知即惡酒不飲或飲亦不醉也

樹孔中草

李時珍曰主小兒腹痛夜啼暗著戶上即止出聖惠方

產死婦人塚上草

陳藏器曰小兒醋瘡取之勿回顧作湯浴之不過三度瘡

燕薺草

陳藏器曰即燕窠中草也無毒主眠中遺尿燒黑研末水進方寸匕亦止嘔噦

李時珍曰千金方治丈夫婦人無故尿血用胡燕窠中草燒末酒服半錢匕聖惠方消渴飲水燕窠中草燒灰一兩牡蠣煨二兩白羊肺一具切曬研末每新汲水三錢又一切瘡痕不滅用燕薺草燒灰鷹屎白等分人乳和塗日三五次又浸淫瘡出黃水燒灰傅之

雞窠草

大明曰小兒夜啼安席下勿令母知

陳藏器曰小兒白禿瘡和白頭翁花燒灰臘月猪脂和傅之以醋泔洗淨

李時珍曰千金方治產後遺尿燒末酒服一錢又不自秘方治天絲入目燒灰淋汁洗之

猪窠草

大明曰小兒夜啼密安席下勿令母知

牛齡草

李時珍曰一名牛轉草即牛食而復出者俗曰回嚙主治

陳藏器曰絞汁服止嘔

李時珍曰療反胃霍亂口噤風

發明

李時珍曰牛齡治反胃噎膈雖取象回嚙之義而沾濡口涎爲多故主療與涎之功同

附方

反胃噎膈大力奪命丸牛轉草杵頭棘各半斤糯米一升爲末取黃母牛涎和丸龍眼大煮熟食之入砂糖二兩九妙正傳

霍亂吐痢不止用烏牛齡草一團人參生薑各三兩甜漿水一升半煮汁五合服劉涓子鬼遺方

小兒流涎用牛噉草汁少少與服普濟方

初生口噤十日內者用牛口齡草絞汁灌之聖惠方

屈草

本經曰味苦寒無毒主胃脅下痛邪氣腸間寒熱陰痹久服輕身益氣耐老

別錄曰生漢中川澤五月采

別羈

欽定古今圖書集成博物彙編草木典

第一百八十二卷目錄

雜花草部彙考二

夏曰葯圃同春 正月花 二月花 三月花

陳繼儒珍珠船

本草綱目 羊不與草 蘇而莽 相鳥 天雄草

山慈石 參果根 牛舌實 馬尾根 鹿舌 天香根

孔中草 產婦人塚上草 屈草 燕尾草 雞窠

草 神護草 黃蘗草 兌草 雀醫草 木甘草 雞窠

金決草 九熟草 兌草 雀醫草 木甘草 雞窠

草 羊黃 桑莖實 封華 慎華 滿陰華 節華

馬頭 紫莖 黃蘗 兌草 雀醫草 木甘草 雞窠

白辛 紫莖 黃蘗 兌草 雀醫草 木甘草 雞窠

路石 紫莖 黃蘗 兌草 雀醫草 木甘草 雞窠

王明 姑活 白女 陽 紫 石 刺 河 石 芸 文 竹 付

船紅 姑活 白女 陽 紫 石 刺 河 石 芸 文 竹 付

人者 姑活 白女 陽 紫 石 刺 河 石 芸 文 竹 付

千金 銀土 落 獨 傷 待 草 免 肝 藥 王 斷 雞 草 筋 子

根 建 水 藥 無 風 獨 傷 待 草 免 肝 藥 王 斷 雞 草 筋 子

通 黃 藥 無 風 獨 傷 待 草 免 肝 藥 王 斷 雞 草 筋 子

田 黃 藥 無 風 獨 傷 待 草 免 肝 藥 王 斷 雞 草 筋 子

草 蛇 眼 草 九 龍 草 小 兒 草 苦 芥 子 地 布 里 草 田 黃 藥

草 蛇 眼 草 九 龍 草 小 兒 草 苦 芥 子 地 布 里 草 田 黃 藥

草 蛇 眼 草 九 龍 草 小 兒 草 苦 芥 子 地 布 里 草 田 黃 藥

草 蛇 眼 草 九 龍 草 小 兒 草 苦 芥 子 地 布 里 草 田 黃 藥

草 蛇 眼 草 九 龍 草 小 兒 草 苦 芥 子 地 布 里 草 田 黃 藥

草木典第一百八十二卷

雜花草部彙考二

夏曰葯圃同春

正月花

麥李色粉紅花亦森秀微香

二月花

御李有紅白二色喜腴無香

三月花

碎米雪俗名米篩花性喜腴無香

粉團粉紅色有香

舊荇有紅黃白三色性喜腴開於春月最可板籬當

植於徑

四月花

牆毬性宜清肥藤枝好濕微香

鶴頂紅一年一發喜腴微香

白玉帶有香

子與黃白二色有香

黃蝴蝶葉秀喜腴稍香

黃蜂花開如蜂無香

五月花

水枝色白稍香宜濕

曇花花紅子堪串珠微香

天竹有花能結子微香

金雀花色黃喜向陽微香

金鐘花色黃一名三及第花開有三因以呼之有香

六月花

祁花色黃無香

陳繼儒珍珠船

采華草

太極山有采華草服之通萬里言

本草綱目

羊不吃草

陳藏器曰生蜀川山谷葉細長在諸草中羊不吃者是也味苦辛溫無毒主一切風血補益攻諸病瘵之亦浸酒服

李時珍曰此草似羊躑躅而云無毒蓋別有此也

麻伯有名

別錄曰味酸無毒主益氣出汗一名居宮一名衍草一名道止一名自死生平陵如蘭葉黑厚白裏莖黃

赤黑九月采根

相鳥

別錄曰味苦主陰痿一名烏葵如蘭香赤莖生山陽五月十五日采陰乾

天雄草

別錄曰味甘溫無毒主益氣陰痿生山澤中狀如蘭實如大豆赤色

益妳草

陳藏器曰味苦平無毒主五痔脫肛止血炙令香浸酒服生永嘉山谷葉如澤蘭莖赤高三二尺也

胡面莽

陳藏器曰味甘溫無毒主去疥癬及冷氣止腹痛瘵服生嶺南如地黃

木細辛

木細辛

木細辛

木細辛

木細辛

木細辛

木細辛

別錄曰味甘無毒主癰疾一名星洛一名泥洛

雀梅

別錄曰味酸寒有毒主蝕惡瘡一名于雀生海水石

谷間

陶弘景曰葉與實俱如麥李

燕齒

別錄曰主小兒痢寒熱五月五日采

土齒

別錄曰味甘平無毒主輕身益氣長年生山陵地中

狀如馬牙

金莖

別錄曰味平苦無毒主金瘡內漏一名葉金草生澤

中高處

白背

別錄曰味苦平無毒主寒熱洗惡瘡疥生山陵根似

紫葳葉如燕盧采無時

青雌

別錄曰味苦主惡瘡充敗瘡火氣殺三蟲一名蟲損

一名孟推生方山山谷

白辛

別錄曰味辛有毒主寒熱一名脫尾一名羊草生楚

山三月采根白而香

赤草

別錄曰味甘無毒主腹痛一名羊飴一名陵渴生山

陰二月花銳蔓草上五月實黑中有核三月三日采

葉陰乾

赤涅

別錄曰味甘無毒主症背崩中止血益氣生蜀郡山

石陰地濕處采無時

赤赫

別錄曰味苦寒有毒主痂瘍惡敗瘡除三蟲邪氣生

益州川谷二月八月采

黃秫

別錄曰味苦無毒主心煩止汗出生如桐根

黃辯

別錄曰味甘平無毒主心腹疝瘕口瘡瘡傷一名經

辯

別錄曰味鹹主毒風頭洩注一名野葵生高陵下地

三月三日采根根如烏頭

紫藍

別錄曰味鹹無毒主食肉得毒能消除之

糞藍

別錄曰味苦主身痒瘡白禿漆瘡洗之生房陵

巴朱

別錄曰味甘無毒主寒止血帶下生雒陽

柴紫

別錄曰味苦主小腹痛利小腹破積聚長肌肉久服

輕身長年生冤句二月七月采

文石

別錄曰味甘主寒熱心煩一名黍石生東郡山澤中

水下五色有汁潤澤

路石

別錄曰味甘酸無毒主心腹止汗生肌酒痂益氣耐

寒實骨髓一名陵石生草石上天雨獨乾日出獨濡

花黃莖赤黑三歲一實赤如麻子五月十月采莖葉

陰乾

敗石

石劇

別錄曰味甘平無毒主益氣養神除熱止渴生江南

如石草

別錄曰味甘無毒止消渴中

石芸

別錄曰味甘無毒主目痛淋露寒熱溢血一名蟄烈

一名顧啄三月五月采莖葉陰乾

竹付

別錄曰味甘無毒止痛除血

祕惡

別錄曰味酸無毒主療肝邪氣一名杜達

盧精

別錄曰味平治蠱毒生益州

唐夷

別錄曰味苦無毒主療痿折

知杖

別錄曰味甘無毒療疔

河煎

別錄曰味酸主結氣癰在喉頸者生海中八月九月

采

區余

本經曰味苦微溫無毒主風寒濕痹身重四肢疼酸寒歷節痛

別錄曰一名別枝生藍田川谷二月八月采陶弘景曰方家時有用處今亦絕矣

離樓草

別錄曰味鹹平無毒主益氣力多子輕身長年生常山七月八月采實

神護草

別錄曰生常山北八月采可使獨守叱咤人寇盜不敢入門

李時珍曰物類志謂之護門草一名靈草彼人以置門上人衣過草必叱之王筠詩云霜被守宮槐風驚護門草即此也而不著其形狀惜哉

黃護草

別錄曰無毒主痹益氣令人嗜食生隴西

雀醫草

別錄曰味苦無毒主輕身益氣洗爛瘡療風水一名白氣春生秋花白冬實黑

木甘草

別錄曰主癰腫盛熱煮洗之生木開三月生大葉如蛇狀四四相值但折枝種之便生五月花白實核赤三月三日采之

益決草

別錄曰味辛溫無毒主欬肺傷生山陰根如細辛

九熟草

別錄曰味甘溫無毒主出汗止洩療閭一名烏粟生人家庭中葉如棗一歲九熟七月采

允草

別錄曰味酸平無毒主輕身益氣長年冬生蔓草木上葉黃有毛

異草

別錄曰味甘無毒主瘰癧寒熱去黑子生籬木上葉如葵莖旁有角汁白

灌草

別錄曰一名鼠肝葉滑清白主癰腫

葩草

別錄曰味辛無毒主傷金瘡

茅草

別錄曰味甘無毒主盛傷癰腫生山澤如蒲黃葉如芥

英草

別錄曰味辛平無毒主痹氣強陰療女勞迫解煩堅筋骨療風頭可作沐藥生蔓木上一名鹿英九月采陰乾

封華

別錄曰味甘有毒主疥瘡養肌去惡肉夏至日采

懷華

別錄曰味甘無毒主上氣解煩堅筋骨

節華

別錄曰味苦無毒主傷中瘵癰^音腫皮主脾中客熱氣一名山節一名達節一名通漆十月采暴乾

讓實

別錄曰味酸主喉痹止洩痢十月采陰乾

羊實

別錄曰味苦寒主頭禿惡瘡疥癬^音瘡^音癰^音癰^音生蜀郡

桑莖實

別錄曰味酸溫無毒主乳孕餘病輕身益氣一名草王葉如荏方莖大葉生園中十月采

可聚實

別錄曰味甘溫無毒主輕身益氣明目一名長壽生山野道中穗如麥葉如艾五月采

滿陰實

別錄曰味酸平無毒主益氣除熱止渴利小便長年生深山及園中莖如芥葉小實如櫻桃七月成

吳普曰蔓如瓜

馬顛

別錄曰味甘有毒療浮腫不可多食

馬逢

別錄曰味辛無毒主癰蟲

兔棗

別錄曰味酸無毒主輕身益氣生丹陽陵地高尺許實如棗

鹿良

別錄曰味鹹臭主小兒驚癇賁豚癰癰大人瘕五月采

雞涅

別錄曰味甘平無毒主明目寒風諸不足水腫邪氣補中止洩痢療女子白沃一名陰洛生雞山采無時

犀洛

寒小兒髮緋帛等分五月五日燒灰每湯服一錢按根也

千金鑑

陳藏器曰生江南高二三尺主蛇蝎蟲咬毒搗傳瘡主生肌止痛

土落草

陳藏器曰生嶺南山谷葉細長味甘溫無毒主腹冷氣痛疰瘵酒煎服亦搗汁溫服

倚待草

陳藏器曰生桂州如安山谷葉圓高二三尺八月采味甘溫無毒主血氣虛勞腰膝疼痛風緩羸瘦無顏色絕傷無子婦人老血浸酒服逐病極速故名倚待

藥王草

陳藏器曰苗莖青色摘之有汁味甘平無毒解一切毒止鼻衄吐血祛煩躁

筋子根

陳藏器曰生四明山苗高尺餘葉圓厚光潤冬不凋根大如指亦名根子味苦溫無毒主心腹痛不問冷熱遠近惡鬼氣注射痛霍亂蠱毒暴下血酒飲磨服蘇頌曰根子生威州山中味苦辛溫主心中結塊久積氣攻臍下痛

盧音藥

陳藏器曰生胡國似乾茅黃赤色味鹹溫無毒主折傷內損瘀血生膚止痛治五臟除邪氣補虛損產後血病水瘕服之亦搗傳傷處李時珍曰外臺祕要治墮馬內損取盧藥末一兩牛乳一錢煎服

無風獨搖草

李珣曰生大秦國及嶺南五月五日采諸山野亦往往有之頭若彈子尾若鳥尾兩片開合見人自動故曰獨搖性溫平無毒主頭骨遊風遍身癢養汁淋洗陳藏器曰帶之令夫婦相愛

李時珍曰羌活天麻鬼臼薇銜四者皆名無風獨搖草而物不同也段成式酉陽雜俎言雅州出舞草三葉如決明一葉在莖端兩葉居莖之半相對人近之歌謳及抵掌則葉動如舞按此即虞美人草亦無風獨搖之類也又按山海經云姑婁之山帝女死焉化為菝其葉相重花黃實如菟絲服之媚人郭璞注云一名荒夫草此說與陳藏器佩之相愛之語相似豈卽一物歟

宜南草

李珣曰生廣南山谷有莢長二尺許內有薄片似紙大小如蟬翼主邪小男女以緋絹袋盛佩之臂上辟惡止驚此草生南方故名與萱草之宜男不同

陀得花

馬志曰味甘溫無毒主一切風血浸酒服生西國胡人將來胡人采此花以釀酒呼爲三勒漿

建水草

蘇頌曰生福州枝葉似桑四時常有土人取葉焙乾研末溫酒服治走注風痛

百藥祖

蘇頌曰生天台中冬夏常青土人采葉治風有效

蘇頌曰生天台中冬夏常青土人采葉治風有效

刺虎

蘇頌曰生睦州凌冬不凋采根葉枝入藥味甘主一切腫痛風疾剉焙爲末酒服一錢李時珍曰壽域方治丹瘤用虎刺卽壽星草搗汁塗之又伏牛花一名隔虎刺

石逍遙

蘇頌曰生常州冬夏常有無花實味苦微寒無毒主癰瘕諸風手足不遂爲末煉蜜丸梧子大酒服二十九日二服百日瘥久服益氣輕身初服時微有頭痛無害

黃寮郎

蘇頌曰生天台中冬夏常青土人采根治風有效李時珍曰按醫學正傳云黃寮郎俗名倒摘刺治喉痛用根搗汁入少酒滴之卽愈又醫學集成云牙痛者取倒摘刺刀上燒之取烟煤綿蘸塞痛處卽止

黃花了

蘇頌曰生信州春生青葉三月開花似辣菜花黃色秋中結實采無時治咽喉口齒病效

地茄子

蘇頌曰生商州三月開花結子五六月采陰乾味微辛溫有小毒主中風痰涎癰癰下熱毒氣破堅積利膈消癰腫瘡癰散血墮胎

田母草

蘇頌曰生臨江軍無花實三月采根性涼主煩熱及小兒風熱尤效

田麻

別錄曰味辛無毒主心腹熱瘰

王明

別錄曰味苦主身熱邪氣小兒身熱以浴之生山谷一名王草

師系

別錄曰味甘無毒主癰腫惡瘡洗之一名臣堯一名巨骨一名鬼芭生平澤八月采

井苦

別錄曰主欬逆上氣益肺氣安五臟一名貳音薰或薰一名玉荆三月采陰乾

索干

別錄曰味苦無毒主易耳一名馬耳

貝達

別錄曰主齒痛止渴輕身生山陰莖蔓延大如葵子滑小

戈共

別錄曰味苦寒無毒主驚風傷寒腹痛羸瘦皮中有邪氣手足寒無色生益州山谷惡蜚蠊

船虹

別錄曰味酸無毒主下氣止煩渴可作浴湯藥色黃生蜀郡立秋取

姑沽

別錄曰味甘溫無毒主大風邪氣濕痹寒痛久服輕身益氣耐老一名冬葵子生河東

陶弘景曰藥無用者乃有固活丸即是野葛之名冬葵亦非菜之冬葵子也

蘇恭曰別本一名雞精

白女腸

別錄曰味辛溫無毒主洩痢腸癖療心痛破疝瘕生深山谷葉如藍實赤赤女腸同

白扇根

別錄曰味苦寒無毒主瘡皮膚寒熱出汗令人變

黃白支

別錄曰生山陵三月四月采根暴乾

父陸根

別錄曰味辛有毒以熨癰腫膚脹一名膏魚一名梓藻

疥拍腹

別錄曰味辛溫無毒主輕身療癰五月采陰乾

五母麻

別錄曰味苦有毒主痿痺大便下痢一名鹿麻一名歸澤麻一名天麻一名苦草生田野五月采

李時珍曰莞蔚之白花者亦名天麻草

五色符

別錄曰味苦微溫主欬逆五臟邪氣調中益氣明目殺蟲青符白符赤符黑符黃符各隨色補其臟白符一名女木生巴山谷

救救人者

別錄曰味甘有毒主疝瘕通氣諸不足生人家宮室五月十月采暴乾

常吏之生司本史作更史

別錄曰味苦平無毒主明目實有刺大如稻梁

載

別錄曰味酸無毒主諸惡氣

慶

別錄曰味苦無毒主欬嗽

瞿音

別錄曰味甘無毒主益氣延年生山谷中白順理十月采

芥

別錄曰味苦寒無毒主消渴止血婦人痰除癰一名梨葉如大青

鳩鳥漿

陳藏器曰生江南林木下高二尺葉陰紫色冬不凋有赤子如珠味甘溫無毒解諸毒故名山人浸酒服主風血羸老

蘇頌曰鳩鳥威生信州山野中春生青葉九月有花如蓬蒿菜花淡黃色不結實實療癰腫癰毒采無時

吉祥草

陳藏器曰生西國胡人將來也味甘溫無毒主明目強記補心力

李時珍曰今人種一種草葉如漳蘭四時青翠夏開紫花成穗易繁亦名吉祥草非此吉祥也

雞脚草

陳藏器曰生澤畔赤莖對葉如百合苗味苦平無毒主赤白久痢成疳

兔肝草

陳藏器曰初生細葉軟似兔肝一名雞肝味甘平無毒主金瘡止血生肉解丹石發熱

斷罐草

陳藏器曰主丁瘡合白牙草菜半夏地骨皮青苔蜂

第五四六冊

蠶繭草

李時珍曰摘元方治腫脹用半斤同冬瓜皮半斤紫蘇根葉半斤生薑皮三兩煎湯熏洗暖臥取汗洗三次小便清長自然脹退

野芩草

李時珍曰摘元方治痞滿用五斤以一半安烏盆內置雞子十箇在草上以草一半蓋之米醋浸二宿雞子殼軟乃取於飯上蒸熟頓食之塊漸消也經驗

織霞草

李時珍曰陳巽經驗方元臟虛冷氣攻膈腹痛用礪砂一兩生烏頭去皮二兩織霞草二兩爲末以小沙罐固濟慢火燒赤以此草拌入內不蓋口頂火一稱煨之爐冷取出同烏頭末蒸餅丸梧子大每服三九醋湯下

牛脂芳

李時珍曰經驗良方治七孔出血爲蠱末服一勾瓦器煎服以紗合頭頂并紮小指根

鴨脚青

李時珍曰普濟方治疔瘡如連珠者同蕪蘇研爛糖水拌刷之

天仙蓮

李時珍曰衛生易簡方治惡毒瘡癰搗葉傳之

雙頭蓮

李時珍曰一名催生草主婦人產難左手把之即生又主腫脹利小便衛生易簡方治大人小兒牙疳搗爛貼之

豬藍子

李時珍曰衛生易簡方治耳內有膿名通耳用子爲末筒吹入不過二三次愈

天芥菜

李時珍曰生平野小葉如芥狀味苦一名鷄刺粘主蛇傷同金沸草入鹽搗傳之王璅醫林集要治腋下生腫毒以鹽醋同搗傳之散腫止痛膿已成者亦安亦治一切腫毒

佛掌花

李時珍曰普濟方治疔瘡如櫻桃者用根同生薑蜜研汁服之外以天茄葉貼之

郭公刺

李時珍曰一名光骨刺取葉搗細油調傳天泡瘡瘰癧醫學正傳治哮喘喘取根剉水煎服即止

蓮箕柴

李時珍曰生山中王永輔惠濟方治癰瘡取皮煎湯服須臾痒不可忍以手爬破出毒氣即愈

碎米柴

李時珍曰主癰疽發背取葉入傳藥用

羊屎柴

李時珍曰一名牛屎柴生山野葉類鶴虱四月開白花亦有紅花者結子如羊屎狀名鐵草子根可毒魚夏用苗葉冬用根主癰疽發背搗爛傳之能合瘡口散膿血乾者爲末漿水調傳又治下血如傾水取生根一斤生白酒二斗煮一斗空心隨量飲

山枇杷柴

李時珍曰危亦林得效方治湯火傷取皮焙研末蜜調傳之

三角風

李時珍曰一名三角尖取石上者尤良主風濕流注疼痛及癰疽腫毒

葉下紅

李時珍曰主飛絲入目腫痛同鹽少許絹包滴汁入目仍以塞鼻左塞右右塞左

滿江紅

李時珍曰主癰疽入膏用

隔山消

李時珍曰出太白山白色主腹脹積滯孫天仁集效方治氣隔噎食轉食用隔山消二兩雞肫皮一兩牛膽南星朱砂各一兩急性子二錢爲末煉蜜丸小豆大每服一錢淡薑湯下

石見穿

李時珍曰主骨痛大風癰腫

醉醒草

李時珍曰天寶遺事元宗於興慶池邊植之叢生葉紫而心殷醉客摘草嗅之立醒故名

墓頭回

李時珍曰董炳集驗方治崩中赤白帶下用一把酒水各半盞童尿半盞新紅花一捻煎七分臥時溫服日近者一服久則三服愈其效如神一僧用此治蔡大尹內人有效

羊茅

李時珍曰羊喜食之故名普濟方治喉痹腫痛搗汁嚥之

阿兒只

蘇頌曰生信州田野及溝澗旁春夏生青葉八月中小莢冬月采葉治癰癤腫毒

芥心草

蘇頌曰生淄州引蔓白色根黃色四月采苗葉搗末治瘡疥甚效

苦芥子

蘇頌曰生秦州苗長一尺餘莖青葉如柳開白花似榆葉其子黑色味苦大寒無毒明目治血風煩躁

布里草

蘇頌曰生南恩州原野中莖高三四尺葉似李而大至夏不花而實食之瀉人采根皮焙爲末味甘寒有小毒治瘡疥殺蟲

菲質汗

蘇頌曰生信州葉青花白七月采根治風腫行血有效

胡荽草

蘇頌曰生密州東武山田中枝葉似小荳菜花紫色似翹艸花一枝七葉花出兩三莖春采苗味辛滑無毒主五臟營衛肌肉皮中痂血止痛散血搗汁塗金瘡凡打撲損傷筋骨惡癰腫用同松枝乳香亂髮灰花桑柴炭同搗丸彈子大每酒服一丸其痛立止

小兒羣

蘇頌曰生施州葢高一尺以來春夏生苗葉無花冬枯其根味辛性涼無毒同左纏草即葵花根焙乾等分爲末每酒服一錢治淋疾無忌

獨脚仙

蘇頌曰生福州山林旁陰泉處多有之春生苗葉圓

落紫腳長三四寸秋冬葉落夏連根葉采焙爲末酒煎半錢服治婦人血塊

撮石合草

蘇頌曰生眉州平田中莖高二尺以來葉似穀葉十二月萌芽二月有花不結實其苗味甘無毒療金瘡

露筋草

蘇頌曰生施州株高三尺以來春生苗隨即開花結子碧綠色四時不凋其根味辛澁性涼無毒主蜘蛛蜈蚣傷焙研以白礬水調貼之

九龍草

李時珍曰生平澤生紅子狀如楊梅其苗解諸毒治喉痛搗汁灌之折傷筋骨者搗爛患處蛇虺傷者搗汁入雄黃二錢服其痛立止又楊清叟外科云喉風重舌牙關緊閉者取九龍草一名金釵草單枝上者爲妙只用根不用皮打碎綿裹筋上擦牙關即開乃插深喉中取出痰涎乃以火炙熱帶鹽點之即愈

荔枝草

李時珍曰衛生易簡方治蛇咬大傷破傷風取草一握約三兩以酒二盞煎一盞服取汗出效

水銀草

李時珍曰衛生易簡方治眼昏每服三錢入木賊少許水一盞煎八分服

透骨草

李時珍曰治筋骨一切風濕疼痛縮寒濕腳氣孫氏集效方治癰風遍身瘡癰用透骨草苦參大黃雄黃各五錢研末煎湯於密室中席圍先熏至汗出如雨淋洗之

普濟方治反胃吐食透骨草獨科蒼耳生牡蠣各一錢薑三片水煎服

楊誠經驗方

楊誠經驗方治一切腫毒初起用透骨草漏蘆防風地榆等分煎湯綿蘸乘熱不住盪之二三日即愈

蛇眼草

李時珍曰生古井及年久陰下處形如淡竹葉背後皆是紅圈如蛇眼狀

唐瑤經驗方

唐瑤經驗方治蛇咬搗爛傳患處

鵝頂草

李時珍曰雁仙壽域方治咽喉生瘡取花同白芷椒根皮研末吹瘡口即效

蛇魚草

李時珍曰戴原禮證治要訣云治金瘡血出不止搗傳之

九里香草

李時珍曰傳滋醫學集成治肚癰搗碎浸酒服

白筵草

李時珍曰香草也蟲最畏之孫真人千金方治諸蟲瘡疥癩取根葉煎水隔日一洗

環腸草

李時珍曰張子和儒門事親方治蠱脹曬乾煎水日服以小便利爲度

李時珍曰王執中資生經治氣壅方中用之